

兩浙金石志

兩浙金石志卷十二

揚州阮元編錄

宋理宗御書聖賢贊

伏羲

繼天立極爲百王先法度肇建道德純前八卦成文三墳不傳無言而化至治自然

堯

大哉帝堯盛德魏魏垂衣而治光被華夷聖神文武四岳是谷揖遜之典萬世仰之

舜

於皇聖德至孝盡倫所以爲大樂善取人惟精惟一帝心

之純垂拱無為堯道是循

禹

克勤于邦烝民乃粒歷數在躬厥中允執惡酒好言九功
由立不伐不矜振古莫及

湯

順天應人本乎仁義以質繼忠匪曰求異盤銘一德桑林
六事人紀肇修垂千萬世

武王

受天眷命繼志前人思通悅服偃武修文惟賢是寶法度
彰明建用皇極爰敘彝倫

周公

美哉公旦翼輔成周施兼四事才藝俱優制禮作樂惠澤敷流有大勳勞宗社延休

孔子

聖哉尼父秉德在躬應聘列國道大莫容六藝既作文教聿宗今古日月萬代所宗

顏子

學冠孔門德行科首聞一知十若虛實有樂道箠瓢不易所守口趨聖師瞳若其後

曾子

守約博施反躬三省孝爲德先祿仕不忍聖道正傳意會神領一唯忠恕門人深警

子思

閒居請問世業克昌可離非道孜孜力行發揮中庸體用
有常入德樞要治道權衡

孟子

生稟淑質教被三遷博通儒術氣養浩然深造自得亞聖

之賢高揖孔氏獨得其傳

以上十二石後皆有庚寅小印御書大印

朕獲承祖宗右文之緒祇迺燕謀日奉慈極萬幾餘閒博

求載籍推

是石後有庚寅小印御書大印

迹道統之傳自伏羲迄于孟子

凡達而在上其道行窮而在下其教明採其大指各爲之

贊雖未能探蹟精微姑以寓尊其所聞之意云爾

是石後有庚寅

小印御書大印

紹定三年所製淳祐改元孟春祇謁先聖就賜國子監宣示諸生

是石宣示諸生下有辛丑小印御書之寶大印

右在杭州府學正書每石四行字徑五寸高宗石經趙礪老既刻石于太學理宗紹定五年又以所製伏羲以來道統贊賜國子監刻之附諸石經之末其遷徙並與石經同惟碑序止云伏羲迄于孟子楊一清遷石經碑記贊止八石玉海始有道統十三贊之目而今所傳與舊數又復不協有武王而無文王大約兵燹之餘又經楊禿之毀或已毀者或後出者其詳不可得聞矣文土贊舊志有之不知石毀何時今補錄于此道被南國守正人倫仁政一施必先窮民異

翼小心秉茲德純丕顯大謨萬邦儀刑

宋靈衛廟碑

金祝二太尉廟記

京學司書三山鄭文子撰

儒林郎徽州錄事判官彭一飛書

太尉姓金諱勝姓祝諱威同爲錢唐尉曹總日建炎三年
己酉賊月虜雖兀木侵犯王略闖兵于杭權守安自強拉
州民避寇赭山城無禦備有錢塘宰茗谿朱蹕鳩鄉丁僅
二千超餘杭邀擊其前隊民非素練耳目不熟鉦幟宰遂
陷陣而沒兩太尉集凋兵還據葛嶺編竹覆泥爲塗以禦
賊越翌日虜騎颺至號蹙踣仆者鱗疊巨斧奮斫橫屍山

委軍聲大振兀木褻魄易數舍退赤山執民爲鄉導由南
壁入兩太尉猶力護西隅以寡制衆戰久力疲遂遇害鄉
民具馬革駢塋近郊迺今錢塘門外楊雲洞之右因立祠
於死所今錢塘門側是也血食一境已踰百禩四時賽祭
禽集尼者蒙其祐病者禱而痊無疫癘無歲灾無橫覘神
之賜也嗚呼檐穹爵飫厚祿受國醜恩一旦嬰變故不能
仗節守誼者有之冒矢石死封疆殺身成仁亘淪杳冥不
能歛福錫民者有之生而能爲人之所難爲沒而能盡人
之所難盡忠精誼槩耿然常存惜時倥偬因以聞于朝者
有之唐侯琪亦一衛旅耳登會稽之壘飛礮以擲虜首勇
而無謀荆軻之徒疏封廟食錫榮九原較以苦心勦虜殞

身于城軒輕奚翅鑄石本朝崇尚節誼苟有爲請於大宗
伯安知不以褒唐侯者褒二神乎余僑寓境內席神休久
矣熟聞耆舊頌神功行徵之野錄具其顛末以俟勛封之
訂正淳祐元年中秋日住廟管香火唐文德立勸緣張永
年沈進臣姜歸孫宗仁御前祔候應建辰鑄

成化十三年秋八月吉日奉議大夫杭州府同知成安李
果重立儒士夏樛書里人陶讓鑄并篆

右碑在靈衛廟正書二十字行行三十八字篆額四
字碑爲明成化時重刊書不其工按文祀宋錢塘尉
曹將金勝祝威皆建炎時死完顏宗弼難者鄉人立
祠署曰金祝二太尉廟舊志稱淳祐十年賜廟額曰

靈衛景定二年安撫洪燾以神號請封金曰忠佐侯
祝曰忠祐侯咸淳四年士民請增朱蹕附廟封顯忠
侯皆在此碑之後當時祠者相繼曰古柳林曰澄寂
寺後曰精進寺側自明季以來專祀于此文後云唐
侯琪一衛旅耳見宋史唐琦本傳琪臨安本衛人死
越州琶八之難詔爲立廟賜名旌忠此碑作琪未知
孰是

宋白雲山慈聖院圓通殿碑

慈聖院圓通殿記

承議郎新權知邵武軍兼管內勸農事借緋樓扶□□
書少保觀文殿大學士醴泉觀使兼侍讀衛國公鄭清

之□□

佛心大慈悲覺所不能覺法施及財施同運平等慈普門
品中無盡意

瓔珞直百千兩金奉觀世音佛言受

此法施昧者必謂之財矣子曰危而不

而不舉世

皆若人國與天地何立大而天下小而一家或空言過高
於事無滋受其弊目擊而身安之謂之法施可

乎噫事無難易惟有志者竟成聞姚之慈聖有

世奇者儒門作殊勝事山竊而深号泉石嘉處唐閩中高

僧荆講餘白雲時時入戶晉開運間錫是名四

山豐茂居民因藉以聚國初茲賁治平間賜

今額嘉定十三年不戒於火獨法堂及所奉大士存後

而大士像一架儼然異哉僉議建寶殿十載弗成奇自諸方回慨然謂 事竭力古殿址作而新之端

平三年孟秋告成高深皆十尋廣七尋瑞相端嚴諸天拱護金照爛如入化城仍塑三佛以爲過去見在未來種子觀者贊嘆於越所未有雖然輪美矣財不勝用矣或有問法施者當以何荅退行一步安樂法也遷善改過懺悔法以至正像及 塵塵皆淨法法總空何有爲而後言施余雖未登斯山識斯人持其 叅南野雲持身 雪潔不肯出世而能作出世間事決知以財爲法以 爲財 等慈如 所說若猶未信請從圓通會上更叅四句淨極光通建寂照含 却觀世間猶如夢中事淳祐四年仲冬既

望謹記

右碑在餘姚縣正書十九行行下泐約三十餘字篆額十字按嘉泰會稽志寺在縣南七十里晉開運二
年建號白雲院治平二年改慈聖院因唐閩中高僧
巖雲披荆而廬講餘白雲時時入戶故也似卽從是
碑得其源委鄭清之字德源鄭人事蹟見宋史本傳
此書醴泉觀使當在霖雨雷變句祠家居時明年入
朝拜奉國軍節度之命矣樓杖從木旁宣獻公鑰之
孫延祐四明志載有撰鮑君廟碑周公謹絕妙好詞
載杖水龍吟菩薩蠻二詞皆從手傳寫之譌

宋萬文勝禱雨題名

淳祐乙巳夏秋之交□□□□□□□□雨靡神不告文勝
宿□愛□□□梵天普□□□□□□流□介亭啟祈□□□
□□□感□□秋□雨□□東□□雨□□□□□□以識
其事扶風萬文勝敬□

右在鳳皇山摩崖行書六行字徑二寸餘按萬文勝
以端平元年重建漢留侯廟于吳山蓋殿帥也見咸
淳臨安志理宗本紀淳祐五年六月甲申祈雨秋七
月癸巳朔日有食之旱甲辰祈雨二月之間凡三特
書皆與此合

宋屠墟靈昭廟尚書省牒殘碑

尚書省

禮部狀准淳祐柒年伍月貳拾陸日勅中書門下省尚書

送到禮部狀准

下泐

口據臨安府錢唐縣履泰鄉耆老喻

榮顯等狀口口口口本鄉有土地神姓劉璋

下泐

建廟于

本鄉王家村紹興季間忽夜猛風雷雨大作至曉口廟自

移于今

下泐

嘉定八年亢旱蝗虫入境錢唐高知縣親禱

于廟一夕飛去田稻無傷

下泐

院前衆見街上旗幟羅列

彌日屠墟軍人不敢近前卽時自退嘉熙貳年柒月大水

鄉民

下泐

年疫氣流行患者拾有捌玖衆口廣祈求口隨

口口口口之民皆得安

淳祐口年

下泐

如口田稻得熟

累旱累水皆獲神護鄉民凡有所求其應如響口口口口綸

未沐加封

下泐

朝廷加封施行本司檢準慶元令諸口道

神祠

下泐

司本司委隣州官躬親詢究到再委別州不干

礙官覈實訖其事實

下泐

安府申行帖錢唐縣勘會申府

據本縣申備牒地分縣尉口照行下事理

下泐

願屈伸口

地分喚集耆老父宿逐一勘會所陳事理

下泐

口本縣履

泰鄉耆老喻榮顯等并地分口巡孫通狀

下泐

口口見先

來所陳本鄉土地神始末靈驗寔跡

下泐

口口口跡如虛

卽甘口口乞照所陳備申朝廷加封施行

以下十八行全泐

右在秦亭山陰靈昭廟內小楷書存字三十五行四

面皆泐存石不及二尺篆額勅封屠墟廣惠侯王八

字按吳焯靈昭廟宋殘碣考秦亭道中有古靈昭廟

神爲宋勅屠墟靈昭侯廟廊下殘碑首行存尙書省

三字其文細書漫漶可讀者猶三數百字乃宋理宗
淳祐七年里人申請立廟所稱屠墟者以神著靈時
赤熾見火光中上有屠墟二字而靈昭者乃當時所
封之號也考咸淳臨安志失載此廟而康熙年間新
碑直書神爲蜀主劉璋字季玉按蜀志本傳璋襲父
職爲益州牧後加振威將軍不聞王蜀不知今碑何
所據而云然也且殘碣中但述靈異之事雖隱約有
劉璋名似難以蜀主稱之元按此碑尚存篆額昭靈
當是廟額廣惠侯乃神封爵也杭州府志載神降于
巫自書曰吾漢劉璋也新碑大約本此細玩碑文可
見者臨安府錢塘縣履泰鄉耆老喻榮顯等狀本鄉

有土地神姓劉名璋建廟于王家村紹興間忽夜猛
風雷雨大作至曉廟自移于今所嘉定八年亢旱蝗
蟲入境錢塘高知縣親禱于廟一夕飛去□□□□
院前衆見街上旗幟羅列號曰屠墟軍人不敢近前
卽時自退嘉熙二年大水疫氣流行凡有所求其應
如響云云此趙晉齋舊榻今摹者無是矣亟錄之以
存廟中掌故

宋太學理宗御書石刻

大成之殿 復古殿

大成殿門 復古殿

右在仁和縣學大門內石刻二種正書字徑一尺中

有復古殿三小字按咸淳臨安志淳祐六年理宗御書大成殿養源堂二扁賜之今存此二石應卽當時之一大成字元世加封孔子不知淳祐時已有此名宋淳祐寶祐加封勅牒碑

勅太學土地正顯昭德侯崇化尙賢之地而非所宜聽於神然相傳中興名將其英靈未泯而盼蠻甚著蓋其故居也理或然歟今吾六館之士咸以狀請謂往年息闕止燎有安寧京邑之勞信忠臣衛社生死以之朕何惜美號不以褒表之乎可特封正顯昭德文忠侯奉勅加右牒到奉行

淳祐六年五月十八日

年月上連印尚書吏部朱印共四印以上行書十五行字徑一寸

右丞相侶 知樞密院事兼參知政事葵 同簽書樞密

院兼權參知政事韓 兼權給事中希至 兼權中書舍

人 五月二十一日午時都事趙受 檢詳兼左司章付

吏部 右丞相 知樞密院事兼參知政事 同簽書樞

密院事兼權參知政事 吏部尙書 權吏部侍郎以上

十二行皆
細楷書

告正顯昭德文忠侯奉勅如右符到奉行以上行書三行
字逕一寸連印

尙書吏部朱印十
行共卅九印 主事周天祐 員外郎令史趙穎叔

書令史陳允叔 主管院道口以上系銜三行細楷書

淳祐六年五月二十一日下行書一行字逕一寸連印尙
書吏部朱印共四印

勅太學土地靈通廟神正顯昭德文忠侯神有功于民則

祀之矧有功於士者耶爾以聰明正直妥靈于首善之地
爲多士之所敬嚮不但叱咤妖怪具有靈應而斯文益大
以昌實惟陰相焉爰卽舊封載加媣號尙時顧享永字于
休可特封正顯昭德文忠英濟侯奉勅如右牒到奉行

寶祐四年八月二十七日

年月上連卽尙書吏部朱印共四卽以上十六行字逕一寸

右丞相元鳳

參知政事似道

兩淮大使

參知政事杭 時

暫兼給事中

時暫兼權直舍人院

九月十二日午時

都事劉大任受

太常少卿兼左司高付吏部

右丞相

參知政事

參知政事

吏部尙書闕

禮部尙書兼

權 吏部侍郎闕

太常少卿兼權

以上系銜十四行細楷書四行字逕一寸

連卽尙書吏部朱印十行共三十九印

郎中令史金從

質 中書令史張鏜 主管院大口以上系銜三行細楷書

寶祐四年九月十二日下行書一行連印尚書吏部朱印共四印

右在岳祠碑凡六列七十四行篆額六字橫列按前
端平二年敕止封神爲正顯侯此敕又稱正顯昭德
不知何時所加又加文忠二字蓋始以爲岳王也觀
文云相傳中興名將可見寶祐四年又加英濟二字
矣此碑係摩舊題名碑覆刻二列奉字下尙有戴得
一名可見不知當時何草率若此

宋李良等靈隱題名

淳祐丁未立秋二日天台李良夏紹基武夷翁孟寅金華
何子舉嘉禾葉隆禮宛陵吳琪來游喜雨

右在翻經臺摩崖行書十行字徑二寸按葉隆禮嘉禾人淳祐七年進士題名時正登第之歲宋史不見其名氏著有契丹國志傳世咸淳臨安志開禧元年十一月一日以朝散郎直秘閣兩浙運判除軍器少監兼知臨安府閏十一月二日磨勘轉朝奉大夫景定元年正月一日除軍器監兼職仍舊二月六日除直寶文閣知紹興府惟咸淳志作台州人此書嘉禾知咸淳志誤通志亦作嘉興人終秘書丞錢官詹謂是科有闕兩請免瓊林賜宴此題有喜雨之語疑李艮諸人皆新進士檢通志止隆禮一人而書郡望有武夷金華二人

宋理宗御書洞霄宮額

洞天福地

中印二聖磨滅不可辨

右四大字正書字徑一尺二寸在餘杭洞霄宮大殿上按洞霄圖志云外門扁洞天福地宋理宗淳祐七年賜書今宮內石刻皆燬于火而此額獨巍然無恙者因先在外門復移寘殿中耳是刻木質已朽爲巫錄之倘有援李陽冰黃帝祠宇額例俾刻之石則可久矣

宋陸德輿等靈隱題名

陸德輿載之趙與麐致道與嘗中甫淳祐戊申中伏後一日避暑同來

右在龍泖洞摩崖行書六行字徑一寸按陸德輿崇德人嘉定十年吳潛榜進士曾知寶祐元年貢舉有理宗賜詔歷官至吏部尙書嘉興縣開國男見至元嘉禾志與麴會任富陽縣令與言安吉人景定二年以兩浙運使兼知臨安府五年除戶部侍郎並見咸淳臨安志與言孟頫之父元贈集賢大學士榮祿大夫追封魏國公見楊載趙孟頫行狀

宋紹興府學整復賃錢榜記

使府

正書字徑二寸

簽廳奉

使府判送下府學教授朱從政申本學賃戶與掠錢人片

肩盡作屋宇倒損虛申減退元額十無一二又欲揆還舊會以致積欠頗多公厨無可收買食料有悞指準乞從使府給榜曉示應是佃貨府學屋地除官放外並要照元約點還見錢不許以會子揆折如有故違之人卽乞斷鋼監還元業施行奉

台判索元立貨約呈本學承準後卽檢尋元舊簿籍並是合同文約各付貨戶收執係點還見錢遂齋一宗簿籍赴府點對奉

台判簽廳呈簽廳官書擬以將本學砧基簿籍點對並是元點見錢分明欲照所申給榜曉示照元約還見錢呈奉台判給榜曉示證元約還須至曉示

自簽廳起至曉示止
正書廿二行字逕一

右榜府學前張掛各令通知淳祐捌年柒月 日

榜書

四行字
徑二寸

使

正書字徑
三寸餘

致堯等竊見越學校之他郡生員頗盛土產最薄所恃以
供厨料者儻金而已止緣蠹弊日積考之元額十損七八
率是掠錢人與賃戶轉相買囑巧立名色易見錢爲舊會
遂致二膳菲薄殊失

朝廷養士之意致堯等濫巾學職銳圖整復申明

學廳乞從

使府給榜曉示賃戶照元約點還見錢得蒙

府教 詔使大著先生備申重蒙

大帥 寶文 大卿 先生軫念學校索上元碯基拖照

見得當來合同文約委係點還見錢分明給榜下學曉示
賃戶照元約還見錢由是宿弊頓革支遣稍紓致堯等深
慮日後復有乘間行私者轉移定式若不勒諸堅珉永遠
爲照無以杜絕奸心欲望

台慈特從所乞施行干冒

師嚴下情不勝戰慄之至

右謹具申

呈

九月 日學生國子發解進士充直學王宰 劄子 學

生鄉貢兩請進士充直學尹經 學生鄉貢免解進士充

學錄丁應龍 學生鄉貢免解進士充學正劉致堯

正書十九

行字經
五分

當職濫司教養無補字功昨因歲歉學廩告匱亟懇 帥

府口司蒙給米積食幸免停供公厨二膳取辦儆金因致

舊額日口口肆伯壹拾文足中間主學言者爲私而不

爲公暗行給據消滅易見錢而爲舊會每日止口貳拾捌

阡十七口者近直學王宰根刷積弊取元砧基點對人戶

口口皆見錢經府給榜蒙 使剋照元約點還今日已陸

貫捌拾壹文足雖未盡復舊數增口已踰三倍直學之有

功於越校多矣他如學租元管田肆阡肆伯餘畝每歲所

收僅貳阡石其爲歎弊尤甚於儻金當職因去載旱歉不暇根括行卽書滿敬俟來者皆淳祐戊申九月旦日復口

許濟刊

行書十三
行經四分

右碑在紹興府學大門之側額題正書紹興府學整復賃錢榜記十字字徑四寸碑三列上二列刻使府示榜下一列刻學正劉致堯等申文後有邵復口跋前使府二字及後右榜府學前張掛各令通知淳祐捌年來月日榜十九字字皆大年月下有紹興府印文其後使字一行更大蓋當時公牘之式如此後跋復下一字已泐而不署姓按文內有監司教養及行卽書滿之語似卽跋存悔齋十二箴之邵復口也

宋存悔齋十二箴

性一以靜心虛而明以明合靜日純粹精昂昂天民昭昭
帝命萬善百行始於持敬雲行雨施魚躍鳶飛愚回早覺
達賜晚知濂溪允霽延平灑落其間工夫先去剛惡大小
往來屈伸感應其機不停莫若中正吉生於悔吝必有凶
所以聖賢貴乎反躬辱踵榮後毀居譽前吉無不利在乎
謙謙蹇則修德困則致命無怨無尤敬恭以聽爲善成名
求名喪善有爲無爲義利之判言倍招憂事倍招患以約
失之吾見亦罕富遜戒尾富集貴翔聖人之道進退存亡
兩字包盡偶陰對陽君子所履南方之強

右存悔齋十二箴

履齋先生吳公製以銘座右者也

皇上卽位二十六年冬 先生奉命帥越始入學升堂講
禮招諸生誨之曰此今天子毓聖之邦恩典視古南陽
勉旃旣而頒示朱呂二先生學規又出所自爲齋箴以勵
後學衆相顧曰曰

先生以倫魁秉大政中邊瑩徹璧玉無瑕四方善類仰爲
標準而存悔有箴辭嚴義密稟乎畏懼豈固欲然示天下
哉吾應之曰 先生以履名齋者也履者禮也自上天下
澤之象立而禮制行正心誠意其本也修身齊家治國平
天下其用也天理人欲限界易迷別嫌明微莫重於禮禮
苟不持何以能悔悔苟不存何以爲箴故悔一而義二警

口於遷善改過之端覺悟於今是昨非之證則是悔也進德之機也震无咎者存乎悔是也顛冥於進退存亡之鄉昏亂於口遲鈍疏之境則是悔也憂虞之象也口近相取而悔吝生是也 先生之學以忠孝爲大節以誠敬爲實務切切於理慾之辨義利之分是其心鏡內融禮與外馭固不至於有悔而猶存悔以自警則始於寡終於无克己復禮卽顏子不遠復之時也以禮自防卽衛武公聽用我謀之日也大冊渙庭行摠素蘊口口天下 先生其履而泰者乎易曰視履考祥其旋元吉 先生以之衆皆曰口因鏡諸石與學規并傳俾同志者有攷焉淳祐己酉季冬望日郡博士邵復口謹識學生迪功郎新池州東流縣主

簿充府學學正宋申甫學生鄉貢免解進士充府學學錄
丁應龍學生鄉貢進士充府學學錄劉瑞龍學生鄉貢進
士充府學直學沈翥學生免解進士充府學直學王尙忠
學生鄉貢進士充府學糾彈陸天驥學生免解進士充府
學司計錢大口丁杲同男元刊

右碑在紹興府學明倫堂文十二行正書字徑二寸
額題篆書履齋先生存悔齋十二箴十字徑二寸餘
下截跋三十二行字徑六分跋後題名四行徑三分
吳潛字毅夫宣州寧國人嘉定十年進士第一官至
參知政事右丞相兼樞密使進左丞相封許國公後
謫化州團練循州安置卒事跡具宋史本傳 四庫

書有煇齋遺稿四卷潛爲人鯁直立朝屢有論列不
顧忌諱此十二箴是其治越州時所作辭嚴義正如
見其人宋時越州府學有學正學錄直學糾彈司計
諸職皆以貢士充其選府志題名均未列入賴此以
存其名郡博士邵復口志亦遺之

宋它山廟加封勅牒碑

勅慶元府鄞縣遺德廟善政侯神有功於民祭法所尊也
爾在唐大和間立石堰以障洪流澤物甚廣鄞邑家賴之
至今遺跡宛然是宜廟食不朽國朝褒表亦旣封侯錫號
矣端平初祈眚猶闕詞以請因仍弗舉寧非闕歟特命有
司俾衍休稱以示朕拳拳懷柔之意可特封善政靈德侯

奉勅如右牒到奉行

淳祐九年二月一日

太傅左丞相越國公清之

同知樞密院事兼權參知政事僚

簽書樞密院事兼參知政事方叔

兼權給事中鹿卿

樞密使兼參知政事方叔

都事受

兼權中書舍人山

兵部郎中兼右司饒

吏部尚書 刑部尚書 吏部侍郎 起居舍人

因池金石記卷十二
六
右牒文六行後銜名兩列俱正書在鄞縣宅山廟詳見寶慶三年加封碑此則又加靈德二字也舊志云嘉熙閒屢旱禱之輒應狀聞賜額天興此勅未見

宋吳璞等靈隱題名

金陵吳璞吳琳眉山袁炎焱宛陵李雲龍淳祐庚戌
右在三生石摩崖正書五行字徑四寸

靈隱吳璞等題名

淳祐壬子春仲之九日吳璞吳琳重來偕行薛可久
右在三生石摩崖正書五行字徑四寸

宋龍華寶乘禪寺管業公碑

臨安府 正書遲寸餘

右今出給公據付龍華寶乘禪寺仰收執照應管業淳祐
拾年玖月日給

正書三行逕一寸

印文不辨

使 正書逕二寸

右在龍華寺刻凡四列皆漫漶不可識上二列似有

題詩亦莫能辨

宋免納塗田鹽公據碑

提舉司免納塗田鹽公據

提舉茶鹽司

據吳越錢王府使臣潘榛

台州臨海縣功德

下缺

王於天福八年建立碑

下缺

衛

府悟真觀

名石井岐

下缺

年照

條起系託稅印押

基逐年

鈔可照彼此

近杜瀆 吏高益 僧景林等爲黨合謀不時到

覓詐取遂節次經下缺牒縣索 係走下缺前

政提舉馬相公台判塗田旣已起稅不當再起鹽額帖場

不許搔下缺行 香火不廢本寺昨因被盜下缺然乞

再給公據付本寺 執 寺 以 女奉

台判案呈 本司照得近據台州臨海縣鴻祐禪寺住持

僧法玘狀 寺下缺本縣承恩鄉念貳甲石井岐 塗下

缺成等供給榜據經 起稅管 終至

舉行下陳主簿趙監場覈實書判 供

鴻 爲淡水衝 則無下缺景林謀 奪下

缺監委朱縣 覈實 合場吏高益 暉等虛

額鹽壹伯貳拾伍碩意圖久霸未兩載僧正習充
替令僧文經下缺仍追景林斷治庶得寺

是 提舉任內行下 塗田稅鈔點對汪府判

趙節推所申景林恐爲十方僧所攘虛下缺之內以鹽

常住動以萬計淳祐 僧日經鹽事所

蒙 史同知鈞判送 所牒浙東 提舉司索下缺判

縣差人監 司 塗田塗 水

塘共六百一十六畝並已納稅保明備申且謂元認

照會訖 年八月狡下缺送納意圖

項 名系業見被 側 地名巒嶼東洋與石井

岐兩山一海 况淳祐元 月景林方下缺到蒙

判盜

起稅恐不當再起

詞牒

主管官從公契勘保明申繼

主管司牒本

司下缺使

十一月初七日申上奉

僉

廳見得

件塗田既自稅

主管官

帖下缺榜

據

爲以

本司照得

元年委寧

覈實到杜瀆場管下分

納

內鴻

祐合下缺外

八年十月初四日

提頁茶鹽

使所牒鴻祐寺僧浮

經官請

本縣下缺

提舉司不住

追

納贓

鹽額况本寺實無贓土可取亦無

下缺狀

申後據台州主官

繼牒臨海縣

公契勘後

海

知縣趙

下缺

水塘五十畝塗

拾畝共計

乙拾

畝

條起納稅

據下缺額鹽於

十八

合納乙伯貳拾

納下缺額監

鹽鹹地

與之下缺不

若

諸

相下缺僧法玘

於去

月下缺鹽

申據本

納

取呈奉

稅不

額條牒

司從

下缺狀本

一累蒙

官司責亭戶王晟等下缺

地於

起稅

後嘉

熙四年僧景林下缺

十方下缺

奉台

塗田既自起

稅恐不當再起額鹽

從公勘保明申

管所指揮下缺已納稅分應鹽額

面申蠲免施行遂牒臨海縣契勘會與石申

到據功本寺於下缺祐元年五

月三十日方虛抱今來杜濱場所申豈得謂之

師納鹽監事納下缺宣教狀縣

鄉司曹中供證本院有管承恩

鄉念二甲石井方年界起稅不應重口

鹽額下缺後界每歲並行送納二稅

訖去年五月蒙提舉司行下戶縣趙知縣

□□□□會下缺紹年六年附籍照條並已科折

納朱保申行主管本縣下缺

舉爲參政台判 據於淳祐十一年四月十四日給行

本院照

據前項所陳 下缺

上缺 公據 下缺

上缺 才 下缺

知事僧 下缺 住山 下缺

右碑篆額十字文正書二十九行首尾大字二行在
臨海縣東鄉鴻祐寺側此鴻祐寺持住僧法玘爲石
井岐塗田已稅不當再起鹽額乞公據于提舉而刻
之于石前據吳越天福八年碑爲起稅徵也中歷反
覆碑已漫漶不成句讀錄之以見宋季征鹽之弊

宋大滌洞殘題名

淳祐辛亥十二月張口來游

右在大滌洞內摩崖正書三行字徑二寸餘

宋理宗御書真武像贊

於赫真武啟聖均陽克相炎宋寵綏四方累朝欽奉顯號

徽章其右我宋社萬億無疆

正書六行字徑一寸上有丙午御書二印

北極佑聖助順真武靈

下闕

太陰化生水

應龜蛇

終劫始剪

行上帝有勅吾口降靈闡揚正法蕩

口中興敢有小鬼欲來現形吾目一視五嶽推傾急急如

律令

小楷書十五行

淳祐十二年歲次壬子正月元日立於金地山聖烈行宮

□□□刻石

細楷書一行在畫像之左

右在吳山重陽菴凡二列上刻理宗贊下刻像上題
字十四行碑已中斷案真武像見于載紀者有二夢
梁錄淳熙歲詔改孝廟舊邸爲道宮以奉真武御製
真武贊及宸翰黃庭經皆刻之石以賜咸淳臨安志
真聖觀在六和塔側寶慶二年道士江師隆勗有真
武像淳祐間摹本上進贊後有丙午印爲淳祐之六
年或卽師隆所進之本而刻于十二年歟聖烈行宮
疑卽奉祀之所

宋般若波羅蜜多心經

般若波羅蜜多心經 經文不錄

淳祐壬子八月二十日天台謝圭敬書

右在長明寺壁閒前有觀音像經文行書二十三行
後有雲壑雅齋及東山貳口臨海開國謝衛王之孫

印記二印

宋慶善寺銅鐘銘

慶善禪寺新鐘銘并序

有宋淳祐九年歲次己酉六月四日近二更初火起西隣
越街首及金光明閣延緣焚燎殿堂廊廡御書鐘樓凡寺
屋舍悉遭煨燼於時鴻鐘受大厄難半體墜地入土三尺
何物妖孽挾風為壯煽焰肆虐吁可畏哉知縣新昌王君

華甫充知此所祝 聖道場捐財建議選請鄉官前嘉興
府司理參軍趙君崇暎貳以鄉士葛君元善委督起廢至
則合誠歷詢庶務莫先於鐘石則無以丕顯衆聽啟迪善
根適有僧名曰道畊來自他山觀境興念自捨衣孟錢貳
百千首以爲倡於是本寺住持文郁谷彼維那法政幹造
政則能以存淳實心爲化導本從而貴寓泊及富室在邑
在野若男若女隨力高下施與有差卜以人心罔不悲歎
思維昔者不約而同僉曰可矣藉以告役乃召良冶取法
鳧氏都匠宰陶坐主經畫羣工翼謀備循戒令和土作範
崇甃作爐明三昧火鍊五金齊奮膊鼓橐不夏而雷以彼
離坎爲我造化熱海內煮湧液赫曦沌竅旁決溜光奪霞

人則審密佛則護持合宏誓願一鑄而成厚薄侈弇咸中
厥度石播作鬱舉勿遺疵猗歟偉哉是大器也居長八音
警動六時太虚含韻萬籟歛鳴雖爾劫數有成有壞而我
佛法不增不減今焉一旦蒲牢復懸三乘四天永以助道
其義博矣然是役也初於瓦礫搜拾燼餘比舊有虧茲募
補就共六千觔其於工匠與凡佐用餘費計錢百五十萬
嗚呼噫嘻事不難成而難其時時不難逢而難其人幸值
永嘉林君端行繼則來宰二三僚佐同寅協恭命續前緒
復出公錢又得緇徒克勤無退時與人偶訖成斯事仍合
志願以是功德上祝聖壽同此鐘聲天地並列鐘聲無窮
又願此聲遍周法界天堂地獄聞者皆覺閱歲辛亥冬閏

十月初旬九日官民俱集證明圓滿扶老携幼雲隘衢塞
若僧及道爲士與女圍繞瞻仰或以金銀器皿簪珥納於
大爐無不樂助時鄭大惠亦在會中於是隨喜而爲作銘
銘曰

寺遭劫火鐘何辜得非受形有數與大音不作豈終無就
其初者還厥初陰陽爲炭天地爐蜚廉祝融供走趨百鍊
旣剛五金俱潘液鑄成彈指餘積累釣石由錙銖爾則盡
性我盡模驪龍踏頂交盤紆鐵蛟縮索司紐樞取法圓象
垂方輿道寓於器中則虛動生於寂應不誣叩隨大小聲
遠舒上達九霄下三途凡有知覺無賢愚與昔所聞初無
殊善根增長罪業除願以是功奉 宸居君臣明良文德

敷簫韶鳳儀瑞同符律呂共和及寰區何千萬年永其圖
進士鄭日孫乳名月老妻吳氏千七娘男復女靜 安人
楊氏妙澄二千足 黃五九娘一千

宣教郎知台州黃巖縣事軍正林端行助伍伯 從事郎
台州黃巖縣丞丘一夔助一百 文林郎台州黃巖縣主
簿國禧老助一百阡 迪功郎台州黃巖縣尉兼僉廳葉
發助一百 修武郎監台州黃巖縣酒稅江伯達助一百
通直郎趙希慎 朝散郎新差知南康軍趙希悅 朝
奉郎主管台州崇道觀趙師官

右銅鐘銘四面俱正書在臨海縣海門衛三層樓內
有斧鑿痕相傳爲寇所擊此知縣事王華甫率僧道

畊本寺持住文郁合邑人新鑄寺鐘輔以林令端行而鄭大惠銘之也王華甫林端行及丞尉諸人均不見舊誌洪筠軒云據嘉定赤城志慶善寺在黃巖縣東南五十步故所載皆黃巖職官今則在臨海界矣

宋巾山翠微閣碑

重建巾山翠微閣記

赤城西北南層巒疊嶂蜿蜒鬱勃蔓延綿亘魏廓高哉不可揆也其京與海相表裏山勢口斷續不相屬屹然轟東南隅爲東方屏翰者賴有巾山山一名哈幘頭髻聳如伯仲差肩而立有浮圖冠其巔如龍兩角真奇觀也予少誦任翻宿恰憤精舍詩有鶴滴松露僧開竹房語嘗夢想

其處恨一官絆縛無遐登絕頂訪唐人遺迹不自營聖天子子一麾來突兀此恰幘在吾目中間崔與所則曰鶴去久所卽翠微閣後人摘詩中字標昔爲所地自往年罹鬱攸之變未有能起廢者其不墮劫灰而歛與山共一古今者惟翻詩爾子曰不有崔盍成詩不有所盍致翻鶴去人僊所以志古所可廢乎爰卽舊趾度材革故而鼎新之頃焉閣成直欄橫檻下瞰閭閻萬瓦次鱗如指諸掌迴廊曲牖頰眎滄溟澄江蜚練如繚長帶日出霏開麥疇疏町如盼如畫水落石出遠林近山如伏如擇晴空鷹揚雨溪鷺翥煙霞曖曖霧靄欲歛變現百態無有窮已於是足不出城市而赤城州陸之景如索諸畫軸可坐而致景可坐致

而詩之境界益寬景無盡詩亦與之罔盡而翻之風流於
是儼然如存鶴翔雲際無在無不在亦可想見翻之標格
翻固在也閣之存詩之景備千古雅韻藉以不磨滅閣可
廢哉閣不惟於詩不可廢城之東南恃以爲屏翰奇觀所
在又可廢歟哉故歷書以告後人俾勿壞寶祐元年二月
吉日朝奉大夫知台州軍州兼管內勸農事趙與諲記進
士金華徐士褒書并題蓋

右碑篆額八字文八分書十九行在臨海縣城中山
兩峰如恰幘相傳仙人皇華居山上身墮幘故名山
有二塔東塔院有翠微閣北瞰園閣南眺郊藪登臨
者必至焉此知軍州趙與諲重建翠微而作記也唐

任翻几三至各有詩前村月照半江水僧在翠微開
竹房最爲膾炙人口三詩皆用竹房字文中多作竹
所漢仙人唐公房碑本作所趙與謹寶祐元年以吏
部郎任

宋戴登雲謝御書額表

臣登雲言今月二十一日承入 內內侍省東頭供奉官
幹辦 御藥院檢察 官蔣安禮口手傳奉

聖旨宣諭紹興府守臣陳顯伯等爲奏乞紹興府府口
御書扁額伏蒙

睿慈

賜府學一大字臣敬率諸生望

闕謝

恩祇受訖者

千巖競秀偉毓

聖之名邦

肄筆

成書揭

昭天之

華扁

鼎新儒館

壯麗

帝鄉臣登雲惶惶頓首頓首伏念臣奮自舍闕叨膺

庭策職專分教粗知臣必盡忠心恐獲愆詎敢食而息事
爰睹宮墻之隳廢亟資藩牧以興修

素王之宅再成青佩之居仍葺剏櫺星以尊廟貌依芹水
以繚屏垣秋毫不費於學儲生財何道月俸薄捐於已帑
得助者多未恢昔日之規模輒丐

穹霄之

奎壁帥臣敷奏上徹

宸衷

中使傳宣聳聞天下瞻□□於

北闕歡迎爭出於西郊搢紳韋布之奔趨交相動色文物
禮樂之

盛美莫不稱情

眷篤

九重

恩同四學茲茲伏遇

皇帝陛下道探

義盡

治煥

堯文

時敏

緝熙

令德彌彰於

珠緯

日怡

清口

丕猷浸溢於

瑤編侈

寵渥於

諸馮

錫標題於口口

口圖

口瑞

虹渚

增輝

八法端嚴如侍

冕旒之

儀表三垂捧拜恍驚

金玉之焜煌感荷

君恩

作成士類臣敢不恪遵

追琢允極欽崇

倬然

雲漢之章

光明

下濟

溥矣

淵泉之澤

風化旁行臣無任感

天荷

聖激切屏營之至謹率職事生員奉表口

謝附麗帥臣謝表以

問臣登雲惶懼惶懼頓首頓首謹言

寶祐元年十一月日迪功郎特差充紹興府府學口口

口戴登雲

鄉貢進士學正

臣缺

貢進士

缺

免解進士

缺

貢進士

缺

免解進士糾彈臣王紐 貢進士司計

免解進士司書臣全缺

右刻在紹興府學理宗御書府學二字之下小楷七
十行依原式錄出以見當時體制戴登雲舊志無聞
學下蝕一字大約學正學錄也

宋重修靈應行祠碑

寶幢重修靈應行祠記

忠嘉神聖惠濟廣靈王鄞之土人也郡人以 府主稱尊
之至而敬之篤也鄞城之東三十五里有市曰寶幢又十
五里山之外有湖曰東錢湖之濱則 王之祖廟寔在焉
以故寶幢市有 王之行祠此祠之建爲近於 王之祖

廟故其靈尤著考之舊刻則經始于嘉祐而嘗修於紹興
之庚辰歲閱歲久屋老且損衆以力乏不暇葺今乃與里
之士夫捐金而爲之倡俾幹者王文興主修造事王文興
靈承于 王弗懈益虔勇於任責輸財不吝佐之者二十
有二人亦皆樂施已贊環境之內翕然效口廟史周道亨
寔董是役作而新之殿宇輪奐如翬斯飛廊廡振飭左右
翼然地在口闢而整砌一新盥薦獻饗之所展如也門廬
攸觀莫敢不肅歲淳祐癸卯中秋口口因循迄于寶祐之
甲寅 王之誕日迨王文興始率居民祭而告之且求金
口口口實故書以立石 王之世予若功與德載于郡之
靈應廟碑爲甚詳此不復口口口而今而後凡境之人惟

祠是依不顯亦靈無射亦保則維 王之格思余亦與口

口焉奉直大夫致仕萬逮記

同幹柴如愚李泰初沈喜諸子森章彥珍汪文樞張洵口
李涓吳顯祖周廷芝夏口口口陳茂顯王忠

右碑文正書十五行在郵縣此述王文興緝廟之舉
神之始末見前記所云王之祖廟者卽晉永和中所
立青山之祠也

宋施生臺經刻

大乘妙法蓮華經

南無釋迦牟尼佛

大方廣佛華嚴經

南無阿彌陀佛

摩訶般若波羅蜜多

有無彌勒尊佛

皇宋甲寅寶祐二年十一月十四日當口僧口口施財同
徒弟 下缺

右刻六面面各大字一行兩旁經咒小字皆磨滅惟
年月一行可辨在鄞縣按贊寧高僧傳唐杭州靈智
寺僧德秀嘗哀鬼神乏食恆以深更施其飲食此本
世釋子瑜伽談口之所由昉踵次漸及鳥雀于是佛
寺多有施生臺觀此刻知宋時已然矣

宋陳詩等靈隱題名

陳詩問 閩山王晉缺 和晉先口口 關冷泉拉咩關 寶祐乙

卯中缺 口口口齋缺

右在飛來峯摩崖正書六行下半殘闕字徑二寸

宋御札碑

皇帝御札

虞廷之賞延于世漢氏之官長子孫春秋謂成季之勳宜
孟之忠而無後爲善者懼矣朕慨思

開國以來勳臣之裔有能世濟其美而不能世其祿者仰
所在州軍體訪得明具以實聞以備錄用

付三省 押 封

右碑正書九行篆額皇帝御札四字在湖州府署按

咸淳臨安志此詔在寶祐四年十二月錄用勳裔戒
飭賊吏二詔下有丞相臣程元鳳等跋所謂勳臣無
後則示以錄用之寵貪風之殄則申以戒飭之嚴又
曰紹興則有佐命元勳訪用子孫之詔隆興則有貪
饕無厭抵法不赦之詔皆并二詔以立言又云特降
睿旨許合立石是二詔當時皆有刻石而今獨傳此
者必有惡其害己而去之者矣

宋觀頤堂碑

重建觀頤堂記

凡學校養士各就食于位觀頤有堂獨構李爲然合巽而
同不相徼亂此意善矣然地木嵯糜常苦蒸屋老而欹

勢且覆壓移食外齋衆不謂宜余視事數月亟請于郡侯
莫叔益得錢五十萬撤而新之工徒旣畢舊觀復還填然
鼓聲少長咸集升降坐起禮儀莊肅乃歌曰厦屋崇成昔
陋今盈匪依我居言依于仁齋厨有食昔枵今實匪飽我
粒言飽于德余聞而進之曰侯之養士厚矣士亦知所以
自養乎觀頤則易自求口實則難觀頤觀其所養也自求
口實觀其自養也二三子勉之紹定二年己丑歲十月郡
文學黃夢高記寶祐五年丁巳歲八月郡守謝堂重建咸
淳四年戊辰歲府學教授林方核立石學正沈學

錄婁

馬直學頤德龍司計侯

監刊直學李

文虎書

曹文德刊

右碑文正書十二行在嘉興縣觀頤堂今時爲希聖堂地在宋惟樵李有之按至元三十二年嘉興路儒學正禮堂基地碑知郡趙公欲創尊經閣遂卽正禮觀頤二堂之地爲之而遷二堂于官道居民之地大德十一年嘉興路脩學碑有講堂頤堂之語延祐七年嘉興路脩廟學碑有觀頤堂鐫器三百餘兩知元中葉堂固無恙也明時寔廢萬厯教授魏浣重葺兵憲趙國琦更名養賢明末范光燮重建更名希賢卽此堂基址

宋逸老堂碑

重建逸老堂記

逸老堂者紹興十四年郡守莫侯將所創并爲文以記之
者也其義蓋摘李太白所云四明逸老賀知章之語按賀
公字季真唐開元十三年爲禮部侍郎集賢院學士肅宗
升儲副授秘書監太子賓客天寶初移疾請爲道士還鄉
里詔賜剡川居焉剡隸越鄞故越封部公亦自號四明狂
客故侯締堂妥靈於是邦之月湖且合太白而祀之謂二
公皆抱氣識之全者也然以予觀之太白初見明皇倨傲
鮮腆待高力士輩若奴僕其氣真可以揮斥八極驅役羣
動而其末也乃陷於永王璘之黨毋亦氣有餘而識未足
耶季真遭時遇主彈指可都顯位忽飄然引去人知其爲
高而不知其所以高也於是肅宗之人品已瞭然於季真

胸中矣使與相終始則靈武之事犯父子之大倫季真亦將不能逃萬世之責易曰知幾其神乎季真有焉又豈止於蟻蠓富貴涕唾卿相而已哉此之謂真識而非徒氣之所能爲也是堂之建迨今一百十五年矣屋老圯壞屢葺屢頽片瓦尺椽幾無存者予領郡之二年始克鼎新之規模宏敞視昔稍異因求季真之像于越繪而龕之且誄以詞述以贊用詔永久俾邦之人士景清風而企芳躅或少裨於風教云爾嗚呼自有天地以來上下數千百年其間據權位擅勢利呼吸福禍顧盼榮辱以狂走盲趨一世之人者不知其幾矣未幾聲消迹滅影響無聞甚者流腥遺臭有孝子慈孫百世莫之能改迺若孤標勁節之士身沒

而名愈彰千載之下雖漁人樵子亦爲之興起不以時遷
世換而二其心也爲士者宜知所擇矣堂旣成面對涵虛
館表裏及東西兩橋并繕治之輪奐丹雘皆粲然華美要
不可無以敘歲月於是乎書闕慶元年秋七月癸卯朔觀
文殿大學士銀青光祿大夫汾海制置大使判慶元軍府
事兼管內勸農使金陵郡開國公食邑五千九百戶食實
封一千七百戶吳潛記

中散大夫直秘閣致仕歷陽縣開國男食邑二百戶賜紫
金魚袋張卽之書

降朝散大夫直寶章閣祥符縣開國男食邑二百戶賜紫
金魚袋趙汝楨題

右碑篆額六字文十八行正書在鄞縣元按堂在府

治西南又有涵虛觀舊志皆不載紹興間守莫將建

以祀季真太白開慶守吳潛更新之文意頗有軒輊

亦不可易也張卽之字温夫慶元六年以父孝伯廕

授承務郎中散大夫直秘閣學士善翰墨師歐陽率

更晚年益超悟

宋賀知章畫像贊

山林之士去不可挽市朝之士出不知返矯矯

先生高眴遠視可仕則仕可止則止粵惟二疎輔導漢元

口其卽位旋以飄然粵惟

先生師傅唐肅太陽未升去之已速前疎後賀夫豈不情

知幾識微以全令名狂非真狂醉非真醉詩侶酒徒亦復爾爾四明之陽月白山空平湖萬頃今古清風

金陵吳潛贊

右畫像上刻讚語十四行正書在鄞縣逸老堂記之陰潛旣作前記復爲此贊不及太白猶是前文意也

宋勅賜忠顯廟牒碑

尙書省牒 行書字徑三寸

太常寺狀准送下禮部狀朝奉大夫國子司業兼玉牒所檢討官何夢然等狀奏照對臣近據太學學錄學生臣楊懋卿等列申懋卿等嘗讀蘇文忠公所撰昌黎伯韓文公廟碑有曰其生也有自來其死也有所爲且謂不待生而

存不隨死而亡故在天爲星辰在地爲河嶽幽則爲鬼神
明則復爲人於是益信夫一點忠義英靈之氣景景千古
不可磨滅也懋卿等伏見太學土地靈通廟神正顯昭德
文忠英濟侯正直聰明應感如響其賜額之勅則有倉卒
息聞潛弭火警之褒其初命之告則有用物弘多厥靈炳
著之譽其再命之詞則有視學禮成告協夢卜之驗然是
特言其死有所爲而未言其生有自來也逮夫三命溫綸
則顯述中興名將英靈未泯肝響甚著蓋其故居且謂忠
臣衛社稷生死以之則指神爲忠武岳王明矣況 國史
載紹興三十二年以岳飛宅爲太學正合前所謂故居之
說不可誣也侯封八字其號已極改畀王爵於禮爲宜兼

寶祐五年 明堂赦文應神祠曾經禱祈靈應有功於民
合該封爵去處令所屬保明聞奏放行況忠武昔已正王
爵今豈容更下一等乎 國家祀典之神父母妻子子婦
佐神皆有封號今本廟神父和贈太師隋國公母姚氏贈
周國夫人妻李氏贈秦國夫人子五人雲贈安遠軍承宣
使雷贈武略郎霖贈大中大夫震贈朝奉大夫霆修武郎
子婦五人 氏 氏 氏 氏 氏部將六人張憲徐慶
黃先牛臯李寶王貴皆未該封實爲闕典比來祈禱禴禘
靈驗愈著非特相多士昌斯文抑且妥寧京邑其有功于
國家豈淺鮮哉懋卿等濫叨庶員義不容默庸敢合辭
申請欲望保明敷奏改賜廟額特與超封王爵及封神父

母妻及五子及五婦及佐神六人非爲忠烈之神陰拜褒嘉之寵而諸生拜賜惟均臣等竊惟褒者崇報之常典表忠者激勸之大端其有生爲忠臣沒爲明神而廟食於風化之地者尤國家之所宜尊顯者也臣等伏見太學土地靈通廟神正顯昭德文忠英濟侯乃中興社稷之臣忠武岳王飛也恭觀國史紹興三十二年以岳飛宅爲太學及拜觀淳祐六年加封之誥有曰中興名將英靈未泯則神之爲忠武王飛明矣天下土地之祠不知其幾而太學土地則忠武王飛爲之非偶然者惟忠武王飛明君臣之義辨華夷之分擔滅醜虜恢復中原校之中興諸將但有戰功而不知復讐之義遠矣雖賊檜欺天王以忠死

而志在君父力扶名義之功興 宋無極每讀 孝宗皇帝褒揚之詔爲之流涕今太學諸生率循禮義斯文日昌固出 聖明作人之造而陰相默佑神與有功至若禱祈應感靈迹顯著不可殫述夫功大者報隆生屈者死伸其於褒典合異常祠況忠武王飛已正王爵家廟悉正王禮若於太學廟祀下稱公侯似爲未便兼虜未授首正激昂忠義之秋前廊學生楊懋卿等積其陳請所合敷奏欲乞 聖慈念飛生死有功於國改賜廟額特與超封王爵神父和母姚氏妻李氏子雲雷霖震霆子婦 氏 氏 氏 氏 氏 氏部將張憲徐慶黃先牛臯李寶王貴等亦乞普賜封號以章忠顯孝之懿人神理一其於激勸實非小補

臣等不勝昧死皇懼俟命之至取進止謹錄奏聞伏候
勅旨禮部狀本部所準御封降下國子監奏上件事理尋
呈奉判送寺勘當申本部尋連送太常寺勘當申部去後
今據太常寺申准連送在前檢準慶元令諸道釋神祠祈

禱靈應

謂功績顯著惠利及人載於祀典者

宜加官爵封號廟額者州具

事狀保明申轉運司本司委隣州官躬親詢究再委別州
不干疑官覆實訖具事實保奏并檢準淳熙十四年六月
十九日已降指揮今後神祠祈禱應驗令諸路運司依條
保奏取旨加封今準省部送下準 御封降下國子監奏
乞加封太學土地靈通廟神超封王爵等事送寺勘當申
本寺照得國子監奏內稱太學土地正顯昭德文忠英濟

侯迺是岳忠武王今來陳乞改賜土地廟額超封王爵切
詳奏內聲說竝爲岳忠武王一門父母妻子將佐等陳乞
加封號呈奉書判照得今之太學乃岳鄂王故宅生之所
居沒而魂魄猶應在焉祀爲土地之神誰曰不宜忠武岳
鄂王大節孤忠爲中興冠冕方今正宜崇異近緣鄂州土
神亦係岳鄂王已奉

指揮超封昭烈二字王今來國子監奏欲以本學土地改
賜廟額超封王爵及父母妻子婦將佐等賜以爵號欲
依鄂州土神一體施行本寺未敢專擅合取 朝廷指揮
今欲勘當伏乞省部備申 朝廷取白 指揮施行申部
奉書判備申本寺所據太常寺勘當申到事理備錄在前

上件事理伏乞 朝廷指揮施行伏候 指揮又太常寺
伏檢準 建炎三年正月六日已降 指揮節文神祠遇
有靈應卽先賜額次封侯次封公次封王婦人之神初封
夫人次封妃每加二字至八字止并 淳熙十四年六月
十九日已降 指揮今後神祠祈禱應驗令本路運司依
條保奏取

旨加封今準 鈞判送下禮部申國子監奏乞爲太學士
地靈通廟神改賜廟額超封王爵事送寺擬申本寺照得
太學土地見係靈通廟正顯昭德文忠英濟侯今國子監
奏稱今太學土地爲岳鄂王之故宅乞超封王爵於陳乞
閒忽遇鄂州諸神顯績並加封號內一項土神岳鄂王已

擬封昭烈王具申 朝廷遂奉寺官書判欲照鄂州土神一體稱呼今準 鈞判送寺擬封申呈奉寺官書判太學岳鄂王之故宅也 因以祀爲土神 朝廷嘗累封至八字侯近因武昌之捷陰有相焉封爲昭烈王太學遂亦有起封王爵之請同一鄂王豈宜兩謚但昭烈二字施之武昌之廟則可施之孔堂之側之廟則不可神生爲忠臣豐功偉烈焜耀今古血食上庠英靈默佑於斯文有闕焉 謚以忠文疇曰不宜況文忠二字昔以之封侯恐與先聖相似故先忠後文示有別也其神父母妻子婦并部將前此未有封謚今準 指揮檢照條法各合封二字侯夫人併擬于后乞從 建炎三年正月六日已降 指揮并淳熙

十四年六月十九日已降 指揮各合擬封下項 一土地見係靈通廟爲額乞改賜廟額今欲擬忠顯廟爲額合行降 勅 一太學土地正顯昭德文忠英濟侯乞超封王爵合擬封二字王今欲擬忠文王 一神父合擬封二字侯今欲擬顯慶侯 一神母姚氏合擬封二字夫人今欲擬欲擬 夫人 一神妻李氏合擬封二字夫人今欲擬德正夫人 一神長子合擬封二字侯今欲擬繼忠侯 一神次子合擬封二字侯今欲擬紹忠侯 一神三子合擬封二字侯今欲擬續忠侯 一神四子合擬封二字侯今欲擬緝忠侯 一神五子合擬封二字侯今欲擬續忠侯 一神長子婦合擬封二字夫人今欲擬相德夫人

一神次子婦合擬封二字夫人今欲擬介德夫人 一神
三子婦合擬封二字夫人今欲擬助德夫人 一神四子
婦合擬封二字夫人今欲擬翊德夫人 一神五子婦合
擬封二字夫人今欲擬贊德夫人 一佐神張憲合擬封
二字侯今欲擬烈文侯 一佐神徐慶合擬封二字侯今
欲擬昌文侯 一佐神黃先合擬封二字侯今欲擬煥文
侯 一佐神牛臯合擬封二字侯今欲擬顯文侯 一佐
神李寶合擬封二字侯今欲擬崇文侯 一佐神王貴合
擬封二字侯今欲擬尙文侯已上各合命詞給告伏乞
朝廷取

旨加封施行伏候

指揮

小楷書九十一行

牒奉

勅宜賜忠顯廟爲額牒至準

勅

行書字徑三寸

景定元年捌月日牒

行書字徑一寸

簽書樞密院事兼權參知政事皮押

知樞密院事兼參

知政事朱押

少師右丞相衛國公押

正書字徑三寸

右在岳祠碑凡三列共八十一行篆額六字此刻太

學學錄楊懋卿等乞加王爵並神族佐神封號事也

所云初命之告云云未見刻石前昭德二字之加應

在其時三命溫綸則直以岳王實之矣嘗論朱季酬

褒忠之典不應以土神策勳合觀數刻其始光端于

學徒其繼相仍于明詔此云指神爲忠武岳王等語

幾同約略彷彿之間大概可知矣文中裏口者句空
一字神母姚氏空二字並非發闕不知何故景定二
年神族佐神封號勅今在府學想與石經同時移去
上列闕其左右二角似當仍移歸祠中爲當也

宋封忠文王及佐神烈文侯等勅殘碑

上人倫忠於闕必有闕之闕三行昭闕地之闕有功不闕

謀帥之風闕他凜若春秋復闕此維與宅以赫闕邇其生

之自來監闕額冠帶不左闕于羽在以下缺極於隆名宜

廟食增榮於命祀英烈言言可畏而仰以迄于今辟雍湯

湯永觀厥成有相之道尙福茲土式勸爲臣可特封忠文

王奉勅如右牒到奉行景定二年二月日尙書省印四

大保右丞相口國公

湖

知樞密院事兼參知政事

湖

簽書

樞密院事兼權參知政事

湖

行皆湖

以下四

太保右丞相益國

公 知樞密院事兼參知政事

簽書樞密院事兼權參

知政事

以上小楷

告忠文王奉勅如右符到奉行

尚書吏部之印四十九以
上行書以下有小楷五行

湖

景定二年二月日下

尚書吏部之印四

忠顯廟佐神

張憲可特封烈文侯徐慶可特封昌文侯董光可特封煥

文侯牛臯可特封顯文侯李寶可特封崇文侯王貴可特

封尚文侯勅忠顯廟佐神張憲等文武之道二而貫之以

一曰忠而已其有忠於所事死生以之此有國者所務白也爾爲偏將實佐戎旃視姦鉄逆鼎而如飴凜義烈英風之未沫觀其所主可使懦夫立匪唯有功於干城亦有助於名教封侯廟食維以勸忠可依前件奉勅如右牒到奉行景定二年二月日

尙書吏部之印四

以上行書

太保右丞相益國公似道 知樞密院事兼參知政事口

口 簽書樞密院事兼權參知政事龍口 時暫兼權給

事中經孫中書舍人 二月口口午時都事口受 左司

郎中付吏部 太保右丞相益國公 知樞密院兼參知

政事 權吏部尙書 吏部侍郎 以上小楷

告烈文侯告昌文侯告煥文侯告顯文侯告宗文侯告尙

文侯奉勅如右符到奉行

尚書吏部之印三十九
行書

以上

以上

主事傅起巖

郎中

令史陸宗口

中書令史劉必昌

主管院舍人

以上小楷

景定二年二月日下

尚書吏部之印四

以上行書

右在杭州府學碑凡六列上一列泐者半計九十餘
行此卽景定元年太學學錄楊懋卿等乞加王爵並
神族佐神封號碑之二應在岳祠緣端平二年太學
靈通廟勅有太學字樣此碑有忠文烈文等號遂與
石經同徙未暇詳考也武穆加王本是文忠以類文
宣遂稱忠文張憲等皆武臣悉以文謚之文云惟有
功于干城亦有助于名教蓋搃觚家自爲出入帝王

則同一經緯也

宋范文虎等鳳凰山題名

口壽范文虎領巖扈臨叩魏克口將畿漕以景定辛酉臘
月既望會于介亭莆田吳月卿合以口口旦秋蒲王肇丹
陽王復方回書川李烜昌元趙得源從魏夢應華國華遠
華直華敷侍

右在鳳皇山摩崖正書六行字徑二寸餘按范文虎
非端人宋元史皆無傳散見兩書帝紀中續宏簡錄
謂其獨加厚于降人蓋深誅心之論焉西湖志餘又
載有鐘神之誦計題名日正與金佖相識時也

宋賈似道賜家廟第宅題記

景定三年正月八日賈似道蒙上恩賜家廟第宅于行都
辭勿獲因集芳園鄴舊居就賜給緡錢使營葺焉用謹欽
承子子孫孫其母忘忠報

右在虎頭岩側摩崖字徑五寸刻深寸餘咸淳臨安
志謂在熙然臺之石壁

兩浙金石志卷十二

連山綏猺同知錢塘何玉池刊

臨海洪瞻墉校